



**Chronicon Monasterii Bödecensis Ordinis Canonic. Regul.  
S. Augustini in Diœcesi Paderbornensi**

**Probus, Johannes**

**Monachij, 1731**

**VD18 12260568**

Caput I. Quo tempore B. Meinulphus construxit suum Monasterium,  
Canonissas ibidem introducens, & præfigurationes Translationis in  
Canonicos Regulares.

---

[urn:nbn:de:hbz:466:1-64645](#)

## PARS I.

*De Fundatione Monasterij Böddeken , & ejus  
Translatione ad Canonicos Regulares.*

## CAPUT I.

*Quo tempore B. Meinulphus construxit suum Monasterium,  
Canonissas ibidem introducens , & præfigurationes Trans-  
lationis in Canonicos Regulares.*



Nnō Incarnationis Domini 817. tempore quo Ludovicus Caroli Magni Filius Romanum rexit Imperium, ac Baduradus Ecclesiae Paderbornensi præfuit anno Episcopatus sui 14, Canonissarum in Böddeken per S. MEINULPHUM incæptum fuit Monasterium, quō constructō de sui patrimonij bonis idipsum in Christi hæreditatem dotans, Canonissas ibidem pro Divino cultu augmentando introduxit, quæ multis postmodum annis Domino DEO per fervorem spiritus militantes odorem vitae salutaris plurimis procurabant, & quia B. MEINULPHUS in loco, in quo Monasterium nunc constructum est, ante ejus inceptionem Cervos instabiles, postea vero Cervum quiescentem vidit, translationis Canonissarum, quantum ad sexum instabilium, in Canonicos Regulares, prout in præsentiarum cernitur, certum Indicium æstimatur, quam translationem tunc temporis adhuc fiendam, id quod sequitur, plenius approbabit: nam anno memoratam translationem immediate præcedente, cum villani dicti loci una cum suo Curato, nomine Joanne Restick, timore inimicorum in Ecclesia B. MEINULPHI nocturnis temporibus dormire consuērunt, contigit, dum quadam vice sopori se dedissent, ut quidam ex ipsis experrecti dulcissimæ modulationis audirent sonum; ac hi alios de somno excitantes invicem loquebantur dicentes in hæc verba: *Iste dulcissimus sonus, quem audivimus, fortè quoddam est præsgium de Canonissarum statu hujus loci in aliud transmutando.* Ut ergo hujusmodi translatio à Domino DEO per B. MEINUL-

PHI

PHI preces effectum suum sortiretur, contigit circa annum MCCCC. dictum Monasterium non hostium incursione, sed tinea ab intus latenter corrodente ad tantam venire paupertatem, ut præfati Monasterij redditus, ac proventus soli Abbatissæ Walburgæ, ibidem in vili rugurio degenti, ad ejus inopiam repellendam minimè sufficere potuerint: nam bona Monasterij magna ex parte aut alienata fuerunt, aut aliis obligata; Itaque Monasterium in solitudinem quodammodo redactum videbatur, Ecclesia ipsius, & turris magna absque tectis, crescentibus arboribus, velut in saltibus, superius repletæ fuerunt, quemadmodum radices earundem Testudinibus infixæ adhuc hodierno die clarius manifestant: Capitulum verò Ecclesiæ Paderbornensis meliora dicti Monasterij Clenodia jamjam sibi apportata penes se habebat, quæ Clenodia tanguntur in sequenti Versu:

*Plenarium, Pannus, Crux, Calix, Vestis, Imago.*

*Plenarium* est iste magnus liber Sanctorum Evangeliorum deauratus. *Pannus*, videlicet pepłum, quod in favillas redactum per orationem B. MEINULPHI ad pristinam integritatem fuerat restitutum. *Crux*, videlicet deargentata, quæ in superiori parte pro reliquiis sacrīs in eam reconditis Chirographo modò clauditur, & aperitur. *Calix*, de quo audivi, quod illum B. MEINULPHUS, quando in Diaconatū officio ad Missam ministravit, sacrīs Altaribus consueverat apponere; *Vestis*, scilicet Dalmatica, in qua ad Missam in officio suo ministravit, & adhuc hodierno die prædicta Vestis Tunica B. MEINULPHI nuncupatur, & meritò inter sacras reliquias recondenda. *Imago*, scilicet B. MARIE Virginis deargentata, & eadem imago est per modum sedentis, & referentis imaginem benedicti Filii sui in sinu suo. Ista prædicta sex Clenodia ob rogatum Reverendi Wilhelmi Ecclesiæ Paderbornensis Electi, & Confirmati restituta erant Monasterio B. MEINULPHI à Capitulo prædictæ suæ Ecclesiæ, ubi & ego præsens eram: postquam verò præmemorata Clenodia Ecclesiæ Paderbornensi apportata fuerunt, Venerabilis Henricus nobilis de Büren ejusdem Ecclesiæ Præpositus Beati MEINULPHI Corpus ad majorem Ecclesiæ honorem de sæpe dicto Monasterio Bödecensi eidem afferre decrevit. Adscriptis itaque sibi quadraginta Equitibus versus præfatum Monasterium iter arripuit; cumque unus de exercitu (non casu, sed DEO disponente)

ante alios versùs Böddeken veniret, improvisè loquens, causam adventantis Præpositi denudavit, quam cùm audirent duæ mulieres speciales B. MEINULPHI amatrices, ægrè ferentes, hujusmodi sacrum Corpus sui Patroni de loco proprio ad extraneos deportandum, brevi super hoc conciliò celebratò, præmemoratum Corpus cum sua Capsa de suo Altari tollentes, ad vile jumentorum stabulum magnæ turri contiguum versùs austrum collocabant, & straminibus operentes absconderunt. His itaque gestis supradictus Præpositus multitudine vallatus Böddeken venit, templum intravit, & dum sacrum corpus (quod tollere venerat) in Altari, quo sibi consuetum stare fuit, non invenit, de ipso celeriter quæstionem fieri fecit, nulloque de inhabitantibus locum ad placitum sibi respondentे, undique de eodem corpore inquirendo sollicitus fuit, cistas etiam Ecclesiæ ob eandem causam iussit aperiri, sed quod quæsivit, DEO disponente, non invenit.

## C A P U T II.

*Quomodo Domicelli Castri Wewelsborg, ne præfatum de loco tolleretur Corpus, se objicere studuerunt.*

**F**Ridericus, & Ravenno Fratres, strenui Domicelli de Brenken, & Castri Wewelsborg, hujusmodi negotium fieri audientes (ut præfertur) commotis visceribus cum subditorum multitudine, velut leones jam privandi catulis, ad Monasterium Böddecense concito gradu pervenerunt: optabant namque discrimini mortis se ibidem exponere, quām Ecclesiam suam Parochialem tam dilectō suō Patrono spoliari. Sed B. MEINULPHO nolente propter suum Corpus sanguinem fundi, præfatis Domicellis ab incolis Villæ Böddecensis intimatur, quod B. MEINULPHI Corpus necquaquam adversæ partes possent invenire: quapropter idem Domicelli viri prudentes, magis pacem inquirentes, quām movere lites, montem Staelberg, quo venerant, reascendunt, & in cacumine ipsius quo usque Præpositus absque reliquiis cum suis à Monasterio per vallem versùs Paderbornam declinaverat, diu substiterunt; quōd factō præmemo-